

Adroddiad i'r:	Cabinet
Dyddiad y Cyfarfod:	20 Mawrth
Aelod / Swyddog Arweiniol:	Y Cyngorydd P.A. Dobb a'r Cyngorydd Julian Thompson-Hill
Dyddiad:	7 Mawrth 2012
Swyddog Arweiniol:	Swyddog Cynllunio Cefnogi Pobl
Teitl:	Eithrio tendrau ar gyfer trosglwyddiadau contract y Gwasanaeth Cefnogi Pobl o Lywodraeth Cymru i Gyngor Sir Ddinbych.

1. Beth yw byrdwn yr adroddiad?

Bydd contractau ar gyfer prosiectau Cefnogi Pobl yn Sir Ddinbych a ariennir yn uniongyrchol gan Lywodraeth Cymru ar hyn o bryd yn trosglwyddo i Gyngor Sir Ddinbych yn ystod 2012 – 2013.

2. Beth yw'r rheswm am lunio'r adroddiad hwn?

Mae angen penderfyniad ar eithrio'r contractau hyn o'r gofyniad i dendro o dan y Rheolau Gweithdrefn Contract.

3. Beth yw'r Argymhellion?

Eithrio contractau newydd ar gyfer gwasanaethau a ariannwyd yn flaenorol gan Lywodraeth Cymru trwy'r Grant Refeniw Cefnogi Pobl o'r gofyniad i dendro wrth drosglwyddo i Dîm Cefnogi Pobl Cyngor Sir Ddinbych trwy'r Grant Rhaglen Cefnogi Pobl.

4. Manylion yr adroddiad.

- Ers iddo ddechrau yn 2003, mae'r cyllid i'r rhaglen Cefnogi Pobl wedi'i hollti'n ddwy ffrwd:
 - Grant Cefnogi Pobl: fe'i telir yn uniongyrchol i awdurdodau lleol
 - Grant Refeniw Cefnogi Pobl: fe'i gweinyddir gan Lywodraeth Cynulliad Cymru trwy dalu nifer o Ddarparwyr Gwasanaeth Achrededig sy'n cynnwys awdurdodau lleol, landlordiaid cymdeithasol cofrestredig a chyrff gwirfoddol. Mae'r Darparwyr Gwasanaeth Achrededig naill ai wedi darparu gwasanaethau eu hunain neu wedi'u his-gontractio i drydydd parti.
- Comisiynwyd adolygiad annibynnol o'r rhaglen Cefnogi Pobl gan Lywodraeth Cymru ac adroddwyd arno ym mis Tachwedd 2010. Gwnaeth yr adroddiad hwn 25 argymhelliad, gan gynnwys argymhelliad penodol i gyfuno'r ddwy ffrwd ariannu i un Grant Rhaglen Cefnogi Pobl.
- Ar ôl ymgynghori, cyhoeddwyd arweiniad drafft i roi'r argymhellion ar waith ar 11 Tachwedd 2011. Penderfynodd Llywodraeth Cymru drosglwyddo'r cyfrifoldeb am

weinyddu'r holl gyllid Grant Rhaglen Cefnogi Pobl newydd i awdurdodau lleol. Rhagwelir arweiniad terfynol ym mis Mawrth 2012.

- Talwyd mwyafrif y cyllid Grant Refeniw Cefnogi Pobl blaenorol ar gyfer Sir Ddinbych i Gyngor Sir Ddinbych fel y Darparwr Gwasanaeth Achrededig. Fodd bynnag, talwyd cyfran sylweddol gan Lywodraeth Cymru i Ddarparwyr Gwasanaeth Achrededig eraill i ariannu gwasanaethau cymorth eraill.
- Er mwyn cyfuno'r ddwy ffrwd ariannu blaenorol yn un Grant Rhaglen Cefnogi Pobl, bydd y cyfrifoldeb am weinyddu'r gyfran hon o'r cyllid yn trosglwyddo o Lywodraeth Cymru i Dîm Cefnogi Pobl Cyngor Sir Ddinbych.
- Yn ei hanfod, bydd Cyngor Sir Ddinbych yn cymryd dros y berthynas gyfamodol gyda Darparwyr Gwasanaeth Achrededig eraill i ariannu'r gwasanaethau hyn a byddant yn destun Rheoliadau Ariannol y Cyngor, gan gynnwys Rheolau Gweithdrefn Contract.
- Bydd hyn yn arwain at gynnydd arwyddocaol mewn gwaith rheoli contractau i'r Tîm Cefnogi Pobl oherwydd bydd nifer y contractau Cefnogi Pobl gan Gyngor Sir Ddinbych fwy neu lai'n dyblu.
- Bydd y contractau ar gyfer y gwasanaethau hyn yn cael eu diogelu dros dro. Nid yw Llywodraeth Cymru eto wedi cyhoeddi manylion y diogelwch dros dro hwn, ond mae wedi mynnu yn yr arweiniad drafft na fyddant yn cael eu tendro oni fod y gwasanaeth wedi'i adolygu.
- Yn unol â Rheolau Gweithdrefn Contract 9.1 a 9.2, gall y Cabinet ganiatáu eithriadau o'r Rheolau Gweithdrefn Contract er mwyn bodloni gofynion deddfwriaeth yr Undeb Ewropeaidd neu unrhyw ddeddfwriaeth ddomestig gan gynnwys unrhyw reoliadau neu gyfarwyddbau gan Gynulliad Cenedlaethol Cymru.

5. Sut mae'r penderfyniad yn cyfrannu at y Blaenoriaethau Corfforaethol?

Mae'r gwasanaethau a ariennir gan Cefnogi Pobl yn sail i flaenoriaethau amlasiantaeth trawstoriadol yn ogystal â chyfrannu'n uniongyrchol at flaenoriaethau Sir Ddinbych.

Addysg: Mae darparu llety a chymorth priodol yn helpu pobl agored i niwed gynnal eu llety a'u hannibyniaeth trwy ddatblygu sgiliau bywyd i gynnal cartref. Cefnogir teuluoedd agored i niwed i ddatblygu sgiliau i gefnogi eu teuluoedd, sy'n hanfodol er mwyn sicrhau presenoldeb yn yr ysgol a chyrrhaeddiad eu plant. Darperir cymorth hefyd i oedolion a phobl ifanc agored i niwed (16+) i ddatblygu'r sgiliau a'r hyder i fynd at addysg a hyfforddiant a chysylltu â gweithgareddau cymunedol i alluogi cynhwysiant cymdeithasol.

Adfywio: Mae prosiectau'n cefnogi defnyddwyr gwasanaeth wrth fynd i'r afael â materion amddifadedd lluosog gan gynnwys amddifadedd ac anghenion tai. Mae hyn yn hanfodol er mwyn cyflawni Adfywiad Cymunedol. Mae'r gwasanaethau tai â chymorth yn galluogi ar gyfer cynnal tenantiaethau a byw yn annibynnol i lawer o'n pobl fwyaf agored i niwed yn ein cymunedau. Bydd strategaeth llety â chymorth yn cael ei datblygu i gefnogi Rhyl yn Symud Ymlaen.

Newid Demograffig: Darperir cymorth i blant a theuluoedd mewn angen a'r bobl y mae angen tai arnynt ac mae'n cyfrannu tuag at fynd i'r afael â materion byrhoedled a thlodi. Mae cymorth yn hyrwyddo annibyniaeth, yn galluogi ac yn atal trwy ymyriad cynnar. Mae hyn yn cyfrannu at wrthsefyll dibyniaeth a'r diwylliant o ddibynnu ar wasanaethau statudol. Mae angen y rhain i fynd i'r afael â'r heriau demograffig a wynebir gan Sir Ddinbych i'r dyfodol gyda phoblogaeth hyn sy'n tyfu.

6. Beth fydd y gost a sut bydd yn effeithio ar wasanaethau eraill?

Bydd y prosiectau a'r newidiadau a nodwyd yn cael eu rheoli yn y gyllideb Cefnogi Pobl bresennol a ddyrennir i Sir Ddinbych gan Lywodraeth Cymru.

7. Pa ymgynghoriadau a gynhaliwyd?

Mae Llywodraeth Cymru wedi ymgymryd ag ymgynghoriad helaeth ar sefydlu un Grant Rhaglen Cefnogi Pobl i ddisodli'r ddwy ffrwd ariannu presennol.

Mae'r trafodaethau'n parhau rhwng Llywodraeth Cymru, Cymdeithas Llywodraeth Leol Cymru (CLILC) a Chymorth Cymru (sefydliad cymorth y darparwyr) mewn perthynas â'r amserlenni a'r trefniadau manwl i sefydlu'r Grant Rhaglen Cefnogi Pobl a throsglwyddo cyllid i awdurdodau lleol. Ar hyn o bryd, disgwylir hyn ddigwydd erbyn Gorffennaf 2012 fan gynharaf.

Cyflwynwyd seminar craffu Cefnogi Pobl ar y cyd rhwng Cymunedau a Phartneriaethau ar 22 Chwefror 2012 i alluogi aelodau i geisio cael eglurhad ar y newidiadau.

8. Datganiad y Prif Swyddog Cyllid

Rhaid i'r gost o weithredu'r newidiadau gael ei chynnwys yn y cyllid sydd ar gael. Mae'r rhaglen a'r gwasanaethau a ariennir ganddi yn gorfod cael eu hadolygu'n gyson i sicrhau nad yw gwariant yn mynd dros y cyllid a glustnodwyd.

9. Pa risgiau sydd ac a oes unrhyw beth y gallwn ni ei wneud i'w lleihau?

Byddai tendro contractau wrth drosglwyddo i'r Cyngor yn torri arweiniad Llywodraeth Cymru ar y Grant Rhaglen Cefnogi Pobl.

Byddai tendro contractau ar raddfa fawr yn aflonyddgar ac yn gostus i'r darparwyr gwasanaethau a'r Cyngor.

Ni fyddai modd cyfiawnhau tendro contractau cyn adolygu gwasanaethau ar sail gwerth am arian o ran naill ai cost neu ansawdd y gwasanaeth gan na fyddai gwybodaeth fanwl ar gael.

10. Y Grym i wneud y Penderfyniad

Rhan 111 Deddf Llywodraeth Leol (1972)

Rheoliad Ariannol 25(Rheolau Gweithdrefn Contract)

Rheolau Gweithdrefn Contract 9.1 & 9.2